

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 27 MEI 2015, PUKUL 10.00 PAGI

Bil. 27

PERTANYAAN-PERTANYAAN BAGI JAWAB LISAN

1. PR-1332-L68200
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PERDAGANGAN ANTARABANGSA DAN INDUSTRI** menyatakan jumlah industri halal dalam negara dan jumlah syarikat pengeksport dari Malaysia keluar negara serta insentif yang disediakan oleh Kerajaan untuk mereka. Memandangkan isu halal yang berlaku sebelum ini menunjukkan seperti tiada koordinasi dalam sistem penyampaian maklumat yang tepat kepada rakyat. Apakah inisiatif Kerajaan dalam mengatasi masalah ini bagi mengelakkan kekeliruan kepada rakyat.
2. PR-1332-L68657
Tuan Haji Nasrudin bin Hassan [Temerloh] minta **MENTERI KERJA RAYA** menyatakan jumlah kontraktor yang gagal dan lewat menyiapkan projek-projek Kerajaan serta agensinya sejak tahun 2010 hingga 2014.
3. PR-1332-L67771
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
 - (a) apakah semua restoran dan kafe di KLIA dan KLIA2 sudah memperoleh sijil Halal daripada JAKIM; dan
 - (b) jika ada, mengapa tidak dipamerkan di tiap-tiap kaunter di kafe tersebut.
4. PR-1332-L67652
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan apakah status binaan rumah-rumah mangsa banjir yang dibantu bina oleh Kerajaan Negeri Selangor.

5. PR-1332-L68614
Dr. Mansor bin Abd Rahman [Sik] minta **MENTERI PERUSAHAAN PERLADANGAN DAN KOMODITI** menyatakan apakah matlamat industri kayu negara terutama dalam pasaran kayu getah dalam membantu golongan pekebun kecil sektor perladangan industri getah supaya pendapatan pekebun meningkat memandangkan harga getah yang rendah sekarang.
6. PR-1332-L69153
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan apakah perkembangan Jabatan Pertahanan Awam JPAM diberikan peranan utama dalam usaha penyelamatan dan penyaluran bantuan bencana. Mengapa inisiatif ini tidak dilakukan sebelum ini atau sewaktu bencana. Apakah proses sedia ada sekiranya berlaku bencana.
7. PR-1332-L67639
Datuk Haji Shabudin bin Yahaya [Tasek Gelugor] minta **MENTERI SAINS, TEKNOLOGI DAN INOVASI** menyatakan adakah Kerajaan bercadang untuk mengenengahkan produk-produk berinovasi dari universiti-universiti tempatan.
8. PR-1332-L68806
Tuan M. Kulasegaran [Ipoh Barat] minta **MENTERI SUMBER MANUSIA** menyatakan jumlah bilangan pekerja estet yang telah mengambil bahagian dalam Skim Khas untuk Pembiayaan Perumahan Pekerja Estet. Sila beri pecahan mengikut kaum.
9. PR-1332-L67750
Tuan Wilson Ugak Kumbong [Hulu Rajang] minta **MENTERI KESIHATAN** menyatakan adakah terdapat rancangan pihak Kementerian di dalam membina fasiliti baru Hospital Kapit dan menambah jumlah mesin-mesin dialisis di Hospital Kapit bagi menampung jumlah pesakit yang kian bertambah di kawasan ini yang jauh dari bandar utama lain di Sarawak.
10. PR-1332-L67695
Dr. Che Rosli bin Che Mat [Hulu Langat] minta **MENTERI PENGANGKUTAN** menyatakan usaha menangani permasalahan warga bandar dan pinggir bandar yang menggunakan pengangkutan awam seperti komuter, LRT dan Monorail menghadapi masalah kekurangan tempat letak kereta sebelum menggunakan pengangkutan awam dan mengurangkan kenderaan awam ke pejabat.
11. PR-1332-L69006
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan apakah Kementerian benar-benar dan bersungguh-sungguh untuk melaksanakan Projek Bekalan Air Luar Bandar dari Simpang Ukong ke daerah kecil Nanga Medamit untuk membantu sekolah-sekolah, pejabat-pejabat dan pekan baru di sana.

12. PR-1332-L68820
Dato' Ngeh Koo Ham [Beruas] minta **MENTERI PENDIDIKAN** menyatakan sama ada Sarjana Muda Sastera Pendidikan Bahasa Inggeris Universiti Tunku Abdul Rahman diiktiraf oleh Kerajaan dan kenapa graduan Bahasa Inggeris universiti ini tidak diambil untuk menjadi guru Bahasa Inggeris sungguhpun sekolah-sekolah kita kekurangan guru Bahasa Inggeris.
13. PR-1332-L69075
Tuan Nogeh anak Gumbek [Mas Gading] minta **MENTERI SUMBER MANUSIA** menyatakan kriteria premis perniagaan yang diberi kebenaran mengenakan caj perkhidmatan (service charge) serta langkah Kementerian untuk mengimbangi pemansuhan caj perkhidmatan dengan memenuhi keperluan gaji minima.
14. PR-1332-L68278
Puan Teresa Kok Suh Sim [Seputeh] minta **MENTERI KESIHATAN** menyatakan tempoh menunggu seorang graduan kursus perubatan untuk menjalani 'housemanship' di hospital tempatan. Apakah nisbah di antara houseman dan pesakit di hospital awam sekarang berbanding dengan tahun 2005 dan apakah langkah Kementerian untuk mengatasi masalah kelebihan doktor di Malaysia.
15. PR-1332-L67786
Dato' Ahmad Fauzi bin Zahari [Setiawangsa] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan keputusan Kementerian sama ada untuk memansuhkan Caj Perkhidmatan yang selama ini dikenakan oleh pihak hotel dan restoran memandangkan caj berkenaan dilihat tidak lagi relevan untuk dikenakan memandangkan perkhidmatan yang diberi juga tidak jelas untuk makluman pengguna.
16. PR-1332-L68356
Tuan Wong Chen [Kelana Jaya] minta **PERDANA MENTERI** menyatakan bilangan rakyat Malaysia yang telah berpindah keluar negara pada tahun 2013 dan 2014, apakah kumpulan umur mereka, apakah kaum mereka, dan berapa peratus daripada bilangan tersebut telah berpendapatan lebih daripada RM5,000 sebulan.
17. PR-1332-L68746
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan sejauh manakah keberkesanan kerjasama strategik antara pihak polis dengan pihak sekolah dalam menangani gejala gengsterisme dan buli di kalangan pelajar sekolah.
18. PR-1332-L68267
Tuan Julian Tan Kok Ping [Stampin] minta **MENTERI DALAM NEGERI** menyatakan keberkesanan biometric system di sepanjang sempadan Sarawak-Kalimantan terutamanya dalam menghalang masuk warga Indonesia yang bakal mengancam kesejahteraan serta keselamatan rakyat Sarawak. Jumlah kes yang telah ditahan yang berjaya dikesan oleh sistem biometric ini semenjak ianya dikenalkan.

19. PR-1332-L68912
Datuk Noor Ehsanuddin bin Mohd Harun Narrashid [Kota Tinggi] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian bercadang untuk memperluas dan memperkasakan skim sewa untuk beli agar ramai rakyat berpeluang untuk memiliki rumah sendiri.
20. PR-1332-L69284
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan :-
- (a) kos keseluruhan pembinaan Projek Landasan Berkembar Keretapi Elektrik KTM/ETS seluruh negara mengikut landasan yang telah terpilih; dan
 - (b) adakah projek-projek tersebut menepati jadual pembinaan dan kos sebagaimana yang telah dirancang dan sekiranya projek tersebut lewat dan kos tambahan, sila nyatakan punca kelewatan projek dan jumlah kos tambahan tersebut.
21. PR-1332-L67525
Datuk Koh Nai Kwong [Alor Gajah] minta **MENTERI SUMBER ASLI DAN ALAM SEKITAR** menyatakan apakah langkah-langkah mampan yang digubal oleh FRIM untuk mempertingkatkan pembangunan sektor hutan dan pemuliharaan sektor hutan bagi mengatasi isu penerokaan hutan yang meluas.
22. PR-1332-L67907
Tuan Loke Siew Fook [Seremban] minta **MENTERI PENGANGKUTAN** menyatakan langkah-langkah yang telah dan akan diambil serta perbelanjaan yang terlibat untuk menyediakan perkhidmatan pengangkutan awam antara bandar atau pekan sepanjang laluan keretapi sektor Pantai Timur dari Gemas ke Tumpat yang berhenti operasi selepas dimusnahkan oleh banjir besar pada Disember 2014.
23. PR-1332-L68914
Tuan Haji Ahmad Lai bin Bujang [Sibuti] minta **MENTERI DALAM NEGERI** menyatakan adakah Kerajaan akan meneruskan operasi menangkap pendatang asing warga Sulu Filipina dan PATI Indonesia di Bandaraya Miri dan adakah pihak Kerajaan mempunyai cadangan untuk menempatkan lebih banyak aset Kerajaan bagi mengawal perairan masuk ke Miri.
24. PR-1332-L67493
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan pencapaian RMK-10 serta projek-projek gagal siap dan projek-projek yang akan diteruskan di RMK-11.
25. PR-1332-L68973
Tuan Anuar bin Abd. Manap [Sekijang] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah kesan kejatuhan nilai mata wang Ringgit Malaysia terhadap pelaburan asing dalam negara; dan

- (b) apakah langkah-langkah yang diambil Kementerian dalam memastikan pelaburan asing terus kukuh.
26. PR-1332-L68177
Tuan Nga Kor Ming [Taiping] minta **PERDANA MENTERI** menyatakan senarai pesawat jet rasmi Kerajaan, jumlah kos beli serta jumlah kos penyelenggaraannya satu demi satu.
27. PR-1332-L69395
Tuan Haji Mohd Fasih bin Haji Mohd Fakeh [Sabak Bernam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah dan program Kerajaan bagi memastikan kebersihan dan keceriaan bandar di dalam kawasan Pihak Berkuasa Tempatan (PBT).
28. PR-1332-L68714
Tuan Lim Lip Eng [Segambut] minta **MENTERI KOMUNIKASI DAN MULTIMEDIA** menyatakan kaedah-kaedah yang diambil oleh Kerajaan untuk membasmi kegiatan perjudian laman web haram yang berleluasa memandangkan Akta Rumah Judi Terbuka 1953 dianggap sudah lapuk dan berapakah jumlah kes pendakwaan perjudian laman web haram di mahkamah sejak tahun 2011.
29. PR-1332-L67714
Datuk Dr. Makin @ Marcus Mojigoh [Putatan] minta **MENTERI PENGANGKUTAN** menyatakan :-
- (a) apakah kekangan yang dihadapi oleh pihak berkenaan dalam isu pemindahan operasi syarikat penerbangan Airasia ke Terminal Utama Lapangan Terbang Antarabangsa Kota Kinabalu; dan
- (b) adakah pihak Keselamatan Malaysia Airport Holding Berhad akan menyediakan alat pengimbas bagi tujuan pemeriksaan keselamatan di lapangan terbang di seluruh negara berbanding dengan kaedah "Meraba Penumpang" yang digunakan sekarang.
30. PR-1332-L68813
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada pihak pengurusan 1MDB hanya berjumpa kali pertama dengan pihak Petrosaudi International Limited pada 23 September 2009, 5 hari sebelum perjanjian 1MDB Petrosaudi Limited ditandatangani di London. Adakah perjanjian ini menerima kelulusan pada ketika itu oleh lembaga pengarah 1MDB.

31. PR-1332-L68060
Datuk Johari bin Abdul Ghani [Titiwangsa] minta **MENTERI WILAYAH PERSEKUTUAN** menyatakan :-
- (a) berapakah peruntukan yang telah disediakan oleh pihak Dewan Bandaraya Kuala Lumpur (DBKL) bagi melaksanakan kerja-kerja penyelenggaraan dan membaik pulih lif di Perumahan Awam (PA) dan Projek Perumahan Rakyat (PPR); dan
 - (b) apakah tindakan yang akan diambil oleh pihak DBKL untuk mengurangkan kadar kerosakan lif yang sering berlaku di PA dan PPR.
32. PR-1332-L69122
Dato' Dr. Mujahid Yusof Rawa [Parit Buntar] minta **MENTERI PELANCONGAN DAN KEBUDAYAAN** menyatakan adakah Kementerian menyediakan kursus atau taklimat khas kepada agensi pelancongan khusus untuk pengurusan pelancong dalam negara. Apakah jenis kursus serta taklimat khas berkenaan yang wajib disertai oleh agensi pelancongan terbabit.
33. PR-1332-L68088
Dato' Sri Azalina binti Dato' Othman Said [Pengerang] minta **PERDANA MENTERI** menyatakan apakah garis panduan yang diberikan oleh EPU kepada semua Kementerian untuk memastikan bahawa wanita akan menjadi ejen serta mendapat manfaat daripada strategi pembangunan dalam RMK-11 berdasarkan kepada konteks kesaksamaan selaras dengan Artikel 8(2) Perlembagaan Persekutuan.
34. PR-1332-L67672
Dr. Azman bin Ismail [Kuala Kedah] minta **MENTERI PENGANGKUTAN** menyatakan berapa banyak denda yang telah dikutip melalui sistem AES setakat ini. Adakah AES berjaya mengurangkan kemalangan di kawasan di mana ia dipasang.
35. PR-1332-L68433
Puan Kasthuriraani a/p Patto [Batu Kawan] minta **PERDANA MENTERI** menyatakan mengapa wujudnya perbezaan dalam bayaran wang persaraan (pension) di antara anggota angkatan tentera yang telah bertugas dalam pertempuran sebelum tahun 1957, selepas 1957 dan selepas 1963 berbanding dengan anggota angkatan tentera dalam tahun 70an, 80an, 90an sehingga kini yang tidak pernah terlibat dalam mana-mana pertempuran atau peperangan.
36. PR-1332-L68805
Datuk Rozman bin Isli [Labuan] minta **MENTERI PELANCONGAN DAN KEBUDAYAAN** menyatakan adakah Kerajaan bersedia untuk memberikan package Second Home Programme yang lebih untuk kegunaan kedua-dua pulau bebas cukai iaitu Pulau Labuan dan Pulau Langkawi.

37. PR-1332-L68640
Tuan Su Keong Siong [Ipoh Timor] minta **PERDANA MENTERI** menyatakan bila Kerajaan berhasrat untuk membawa pindaan kepada Akta Acara Sivil 1956.
38. PR-1332-L68247
Tuan Sim Chee Keong [Bukit Mertajam] minta **MENTERI DALAM NEGERI** menyatakan statistik polis terkini ikut pecahan jabatan/unit, negeri, jantina dan kaum.
39. PR-1332-L67988
Dr. Noor Azmi bin Ghazali [Bagan Serai] minta **MENTERI PENDIDIKAN** menyatakan berapakah jumlah graduan yang masih tidak mempunyai apa-apa pekerjaan dari tahun 2010 hingga Januari 2015. Sejauh manakah perancangan Kementerian dalam membantu pelajar di peringkat sekolah memilih kursus-kursus yang sesuai bagi menyambung pelajaran di universiti yang mengikut kehendak pasaran pekerjaan pada masa kini.
40. PR-1332-L68901
Datuk Aaron Ago anak Dagang [Kanowit] minta **MENTERI PENDIDIKAN** menyatakan menyatakan kadar capaian Internet bagi sekolah di kawasan pedalaman dibandingkan dengan di bandar dan langkah-langkah yang diambil oleh Kerajaan untuk meningkatkan capaian Internet terutamanya bagi sekolah di Sarawak.
41. PR-1332-L68452
Tuan Lim Kit Siang [Gelang Patah] minta **PERDANA MENTERI** menyatakan risiko lebih hartanah di Wilayah Pembangunan Iskandar Malaysia yang dibongkar menerusi hasil penyelidikan Maybank pada April 2015, dan apakah mitigasi yang dilakukan Kerajaan Persekutuan untuk menangani isu tersebut.
42. PR-1332-L68481
Datuk Seri Noh bin Haji Omar [Tanjong Karang] minta **MENTERI TENAGA, TEKNOLOGI HIJAU DAN AIR** menyatakan apakah status terkini perjanjian penstrukturan semula air antara Kerajaan Persekutuan dengan Kerajaan Negeri Selangor.
43. PR-1332-L68020
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-
- (a) berapakah jumlah mesyuarat yang sudah diadakan oleh PAC semenjak sesi parlimen ke-13 ; dan
 - (b) berapa banyakkah tindakan diambil ke atas cadangan dan rekomendasi PAC.

44. PR-1332-L68671
Tuan Mohd Rafizi bin Ramli [Pandan] minta **MENTERI KEWANGAN** menyatakan secara terperinci semua pinjaman, pelaburan dan pegangan bon oleh KWAP kepada Kerajaan Persekutuan, badan/anak syarikat milik Kerajaan dan syarikat berkaitan Kerajaan (GLC) setakat 31 Mac 2015. Berikan pecahan mengikut syarikat/badan dan bentuk pinjaman/pelaburan.
45. PR-1332-L68400
Tuan Wong Ling Biu [Sarikei] minta **MENTERI KERJA RAYA** menyatakan terdapat beberapa fasa pembinaan Lebuhraya Pan-Borneo dan projek pembinaan tersebut akan mengambil masa berapa tahun untuk siap dibina. Adakah tempat-tempat yang kerap berlaku kemalangan akan dibina terlebih dahulu seperti jalan dari pasar Jakar ke Sebangkai.
46. PR-1332-L69135
Tuan Liew Chin Tong [Kluang] minta **MENTERI SUMBER ASLI DAN ALAM SEKITAR** menyatakan sektor-sektor yang menyumbang kepada pengurangan intensiti karbon, pecahan sumbangan setiap sektor dan langkah-langkah yang telah diambil dalam mencapai tahap pengurangan sebanyak 33% seperti apa yang diumumkan oleh Perdana Menteri pada sidang kemuncak perubahan iklim PBB di New York pada September 2014 bahawa Malaysia telah mencapai tahap pengurangan sebanyak 33% intensiti pengeluaran karbon pada 2014 berbanding dengan tahun 2005.
47. PR-1332-L69025
Tuan Er Teck Hwa [Bakri] minta **PERDANA MENTERI** menyatakan jumlah Pusat Anak PERMATA Negara yang dibina, lokasi, jumlah enrolmen, jenis kelengkapan yang terdapat di setiap pusat, jumlah yang terdapat di tanah rancangan FELDA dan FELCRA serta peruntukan kepada setiap pusat mengikut tahun dari 2007 hingga kini.
48. PR-1332-L67860
Dr. Lee Boon Chye [Gopeng] minta **MENTERI DALAM NEGERI** menyatakan bilangan cybercafe yang diambil tindakan kerana judi setiap tahun sejak tahun 2010.
49. PR-1332-L67818
Datuk Sapawi bin Ahmad Wasali [Sipitang] minta **MENTERI KESIHATAN** menyatakan apakah usaha jangka panjang dilaksanakan bagi menambahkan bilangan doktor, termasuk doktor pakar di hospital-hospital kerajaan di Sabah dan Sarawak.
50. PR-1332-L69372
Datuk Juslie bin Ajirol [Libaran] minta **PERDANA MENTERI** menyatakan usaha memajukan tanah wakaf dan tanah adat Bumiputera melalui pengwujudan satu institusi khusus untuk membangunkan Melayu Bumiputera secara produktif dan menguntungkan seperti program perumahan yang dilaksanakan PR1MA.

51. PR-1332-L67583
Dato' Johari bin Abdul [Sungai Petani] minta **MENTERI DALAM NEGERI** menyatakan :-
- (a) berapa jumlah Pegawai dan Pegawai Tak Bertauliah (NCO) dalam Jabatan Penjara Malaysia; dan
 - (b) adakah Kerajaan bercadang mempertimbangkan gaji yang mereka terima selaras dengan gaji yang diterima oleh Pegawai Dan Pegawai Tak Bertauliah Polis DiRaja Malaysia nikmati atas pangkat yang sama.
52. PR-1332-L67734
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan bagaimanakah Kementerian akan memantau dan memastikan penganjur sesebuah program benar-benar mematuhi garis panduan hiburan baharu yang dikeluarkan oleh JAKIM memandangkan garis panduan tersebut lebih terperinci dan memberi penekanan khusus berhubung panduan penampilan artis dan penganjuran sesebuah program hiburan.
53. PR-1332-L68946
Tan Sri Dato Sri William Mawan Ikom [Saratok] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah pihak Kerajaan berhasrat untuk menghapuskan pengenaan caj perkhidmatan 5% hingga 10% yang dikenakan oleh pemberi perkhidmatan kepada orang ramai.
54. PR-1332-L69238
Dato' Seri Abdul Hadi bin Awang [Marang] minta **MENTERI PENDIDIKAN** menyatakan apakah usaha yang dilakukan oleh pihak universiti untuk memberi hak kebebasan bersuara kepada mahasiswa.
55. PR-1332-L68725
Datuk Liang Teck Meng [Simpang Renggam] minta **MENTERI KOMUNIKASI DAN MULTIMEDIA** menyatakan apakah Kementerian mempunyai perancangan untuk mengetatkan lagi garis panduan penghasilan produksi dan juga mengenakan tindakan lebih tegas ke atas produksi yang menerbitkan filem atau drama yang mempunyai unsur keterlaluan dan melampau yang melanggar norma kesopanan Malaysia.
56. PR-1332-L67923
Datuk Haji Datu Nasrun bin Datu Mansur [Silam] minta **PERDANA MENTERI** menyatakan melalui statistik Jabatan Perangkaan Malaysia menyatakan seramai 860,100 atau 13.5% isi rumah berpendapatan kurang daripada RM1,500 sebulan, apakah insentif yang diberikan kepada golongan ini selepas pelaksanaan Cukai Barang dan Perkhidmatan GST.
57. PR-1332-L68763
Dr. Tan Seng Giaw [Kepong] minta **MENTERI KEWANGAN** menyatakan perkembangan projek-projek MRT1 dan MRT2 dan langkah-langkah yang diambil untuk menyelesaikan masalah yang timbul.

58. PR-1332-L68308
Tuan Shamsul Iskandar bin Mohd Akin [Bukit Katil] minta **MENTERI TENAGA, TEKNOLOGI HIJAU DAN AIR** menyatakan mengapakah Deposit Tambahan sebanyak RM50 ke RM 100 dikenakan kepada pemegang akaun Syarikat Air Melaka Berhad (SAMB) mulai Mac 2015 berdasarkan arahan Suruhanjaya Perkhidmatan Air Negara (SPAN).
59. PR-1332-L67631
Dato' Wira Othman bin Abdul [Pendang] minta **PERDANA MENTERI** menyatakan berapa lama jangka masa diberikan kepada Ketua Audit Negara dan pihak polis untuk mengkaji dan menyiasat akaun 1MDB. Apakah terma rujukan yang diberikan dalam siasatan ini.
60. PR-1332-L68242
Tuan Sim Tze Tzin [Bayan Baru] minta **MENTERI KEWANGAN** menyatakan sama ada Kerajaan akan meletakkan barangan keperluan kanak-kanak 5 tahun dan ke bawah ke senarai pembekalan berkadar sifar GST, seperti yang dituntut oleh kempen Jangan Cukai Anak Kita.
61. PR-1332-L68006
Tuan Masir Kujat [Sri Aman] minta **MENTERI DALAM NEGERI** menyatakan bilakah Pos Sempadan/Imigresen akan dibina di kawasan Lachau, Sri Aman.
62. PR-1332-L68116
Tuan Tan Kok Wai [Cheras] minta **PERDANA MENTERI** menyatakan bagaimana SUHAKAM boleh menjalankan tanggungjawabnya dengan penuh cekap dan tidak berat sebelah.
63. PR-1332-L69444
Dato Sri Dr. Muhammad Leo Michael Toyad Abdullah [Mukah] minta **MENTERI PERUSAHAAN PERLADANGAN DAN KOMODITI** menyatakan kesan langkah yang diambil untuk mengatasi masalah kecurian dan penjualan buah kelapa sawit yang dicuri.
64. PR-1332-L69353
Tuan Mohamed Hanipa bin Maidin [Sepang] minta **MENTERI KEWANGAN** menyatakan adakah Lembaga Pelaburan Terengganu (TIA-Terengganu Investment Authority) yang ditubuh pada tahun 2008 sebelum 1MDB telah di beri dana (modal) permulaan sebanyak RM500 juta dan jika benar, apakah terjadi kepada dana atau modal RM500 juta itu. Jika tidak, berapakah jumlah dana atau modal permulaan yang diberikan kepada TIA tersebut.
65. PR-1332-L68850
Datuk Wira Haji Ahmad bin Hamzah [Jasin] minta **MENTERI DALAM NEGERI** menyatakan output dan outcome inisiatif memulihkan tahap keselamatan dan keamanan Malaysia yang telah merosot dari tangga ke 19 pada tahun 2011 ke tangga 33 pada tahun 2014, menurut Global Peace Index.

66. PR-1332-L69255
Dato' Kamarudin bin Jaffar [Tumpat] minta **PERDANA MENTERI** menyatakan adakah Kerajaan bercadang untuk mengadakan sidang Parlimen di Sabah atau/dan Sarawak selain dari di Kuala Lumpur untuk meningkatkan lagi perpaduan negara kita.
67. PR-1332-L69082
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan adakah Kementerian bercadang untuk membuat pindaan ke atas Akta Perusahaan 1967.
68. PR-1332-L68819
Dato' Ngeh Koo Ham [Beruas] minta **MENTERI PENDIDIKAN** menyatakan kenapa pengambilan Kursus Pengurusan Lepas Ijazah (KPLI) diberhentikan sejak tahun 2013.
69. PR-1332-L67859
Dr. Lee Boon Chye [Gopeng] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan bilangan Kedai Rakyat 1Malaysia dan perbelanjaan untuk projek tersebut.
70. PR-1332-L69047
Tuan Ng Wei Aik [Tanjong] minta **PERDANA MENTERI** menyatakan pendirian yang diambil oleh Kabinet terhadap Enakmen Kanun Jenayah Syariah II 1993 yang telah diluluskan oleh Dewan Undangan Negeri Kelantan dan Rang Undang-Undang Persendirian bagi Akta Mahkamah Syariah (Bidang Kuasa Jenayah) 1965 yang dikemukakan oleh Ahli Parlimen Kawasan Marang.
71. PR-1332-L69048
Tuan Chong Chieng Jen [Bandar Kuching] minta **MENTERI PENDIDIKAN** menyatakan kenapa pemegang ijazah Sarjana Muda pendidikan dari Universiti Tun Abdul Razak tidak diberi peluang mengajar sebagai guru di sekolah Kerajaan. Berapa graduan dari Sarawak dan Sabah yang kini dalam keadaan sedemikian.
72. PR-1332-L68470
Tuan William Leong Jee Keen [Selayang] minta **MENTERI DALAM NEGERI** menyatakan jumlah pekerja asing yang mendapat kelulusan Pas Pekerja (Employment Pass) bagi tahun 2009 hingga 2014 dan apakah dasar untuk membenarkan pekerja asing diteruskan.
73. PR-1332-L68531
Raja Dato' Kamarul Bahrin Shah [Kuala Terengganu] minta **MENTERI PELANCONGAN DAN KEBUDAYAAN** menyatakan apakah usaha pihak Kementerian menambahkan lagi bilangan pengusaha-pengusaha kraf tradisi Malaysia seperti pembuat tembaga, perak dan emas yang semakin berkurangan terutamanya di Pantai Timur Semenanjung bagi memenuhi minat serta permintaan pelancong-pelancong asing.

74. PR-1332-L68318
Datuk Jumat bin Idris [Sepanggar] minta **MENTERI DALAM NEGERI** menyatakan hasil tindakan terhadap penyokong SSKM dan tindakan polis untuk menangkap Dorris John melalui Interpol.
75. PR-1332-L69279
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan langkah-langkah jelas dan tegas dalam menangani masalah rempit di kalangan remaja.
76. PR-1332-L67861
Dr. Lee Boon Chye [Gopeng] minta **MENTERI TENAGA, TEKNOLOGI HIJAU DAN AIR** menyatakan dana SEDA yang diperuntukan mengikut jenis sumber tenaga yang boleh diperbaharui.
77. PR-1332-L67969
Tuan Teo Kok Seong [Rasah] minta **MENTERI SAINS, TEKNOLOGI DAN INOVASI** menyatakan secara terperinci mengenai hasrat Kementerian untuk mensasarkan 360 produk inovasi berimpak tinggi yang akan dikomersialkan dalam tempoh 5 tahun yang akan datang seperti yang disebut oleh Perdana Menteri ketika ucapan Bajet 2015.
78. PR-1332-L68993
Dato' Henry Sum Agong [Lawas] minta **MENTERI KEWANGAN** menyatakan sama ada pihak Kementerian bercadang untuk menubuhkan sebuah cawangan Kumpulan Wang Simpanan Pekerja (KWSP) bagi daerah Lawas bagi memudahkan pencarum di kawasan Lawas dan sekitar.
79. PR-1332-L68936
Datuk Ikmal Hisham bin Abdul Aziz [Tanah Merah] minta **MENTERI KEWANGAN** menyatakan adakah Kerajaan berhasrat untuk mengkaji semula kadar Cukai Barangan dan Perkhidmatan yang pada ini ditetapkan pada kadar enam peratus.
80. PR-1332-L68458
Dr. Hajah Siti Mariah binti Mahmud [Kota Raja] minta **MENTERI SUMBER ASLI DAN ALAM SEKITAR** menyatakan samada kajian telah atau sedang dibuat ke atas Kanun Tanah Negara dan adakah Kerajaan bercadang meminda mana-mana fasal dalam akta tersebut untuk menyelesaikan masalah yang dihadapi rakyat contohnya di dalam isu pembahagian tanah-tanah pusaka atau pembayaran/pengagihan pampasan kepada pemilik-pemilik apabila Kerajaan mengambil alih tanah daripada pemilik-pemilik untuk tujuan kepentingan awam.
81. PR-1332-L67845
Puan Alice Lau Kiong Yieng [Lanang] minta **MENTERI DALAM NEGERI** menyatakan :-
- (a) apakah pendirian Kerajaan terhadap gerakan Sabah Sarawak Keluar Malaysia (SSKM) dan sejauh manakah gerakan ini mempunyai sokongan di negeri Sabah dan Sarawak; dan

- (b) bilangan orang yang telah ditahan dan didakwa di dalam gerakan Sabah Sarawak Keluar Malaysia (SSKM) setakat ini dan apakah tindakan tegas yang boleh diambil kepada mereka yang terlibat dalam usaha memisahkan Sabah dan Sarawak keluar dari Malaysia.

82. PR-1332-L68348

Puan Teo Nie Ching [Kulai] minta **MENTERI SUMBER ASLI DAN ALAM SEKITAR** menyatakan kesan Projek Pusat Petroleum Bersepadu dan Maritime Industri Park Tanjung Piai terhadap tapak Ramsar Tanjung Piai National Park, yang diiktiraf di bawah konvensyen Ramsar.

83. PR-1332-L68500

Tuan Gobind Singh Deo [Puchong] minta **MENTERI DALAM NEGERI** menyatakan sama ada tindakan akan diambil terhadap Ketua Polis Negara kerana mengumumkan bahawa tiada kesalahan hasutan dilakukan oleh mana-mana pihak dalam insiden Salib di Taman Medan pada 1.4.2015. Nyatakan sama ada siasatan telah pun dilaksanakan dan dilengkapkan dan sama ada pendapat Peguam Negara telah pun diperolehi oleh KPN pada masa pengumuman itu. Sekiranya tiada tindakan, kenapa.

84. PR-1332-L69227

Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan sama ada rundingan atau proses ekstradisi dengan Kerajaan Australia untuk membawa balik Kpl. Sirul Azhar Umar telahpun dimulakan dan sekiranya tidak, nyatakan alasan-alasannya.

85. PR-1332-L68770

Tuan Wong Tien Fatt @ Wong Nyuk Foh [Sandakan] minta **MENTERI DALAM NEGERI** menyatakan apakah perbezaan kod BP (Birth Place) di tengah nombor IC bagi nombor 12, 47, 48, 49 di atas MyKad Malaysia rakyat Sabah dan menyenaraikan bilangan pemegang IC bagi setiap kod BP di Sabah.

86. PR-1332-L68064

Tuan Jeff Ooi Chuan Aun [Jelutong] minta **MENTERI KEWANGAN** menyatakan apakah jumlah dan jadual pembayaran balik pinjaman 1MDB yang wajib disempurnakan dalam Tahun Kewangan 2015 agar insiden kesempitan RM2 bilion pada bulan Februari 2015 tidak berulang.

87. PR-1332-L69141

Dato' Seri Tiong King Sing [Bintulu] minta **MENTERI PENDIDIKAN** menyatakan :-

- (a) adakah pihak Kementerian membuat pemantauan terhadap pengurusan sekolah apabila membuat penilaian pemberian sebut harga kantin sekolah; dan
- (b) adakah pelaksanaannya berdasarkan tawaran sebut harga kantin yang tinggi atau tawaran harga makanan yang ditawarkan memandangkan tiada perbezaan harga makanan di antara kakitangan sekolah dan para pelajar.

88. PR-1332-L68629

Dato' Kamarul Baharin bin Abbas [Telok Kemang] minta **MENTERI KESIHATAN** menyatakan bentuk cadangan jangka panjang untuk mengintegrasikan perkhidmatan kesihatan dan perubatan antara sektor awam dan swasta bagi meningkatkan mutu perkhidmatan termasuk untuk menangani masalah kekurangan infrastruktur dan katil hospital.

ATURAN URUSAN MESYUARAT DAN USUL-USUL

1. Usul dibuat oleh Perdana Menteri dan masalah dicadangkan :-

“Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

meluluskan pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

Bahawa dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

Menyambung semua Perbahasan atas masalah [26 Mei, 2015]

2. (D.R. 18/2015) Rang Undang-undang Antipemerdagangan Orang dan Antipenyeludupan Migran (Pindaan) 2015- **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015)**

[Menteri Dalam Negeri]

3. (D.R. 19/2015) Rang Undang-undang Kebajikan Haiwan 2015 **Bacaan Kali Yang Kedua**

[Menteri Pertanian dan Industri Asas Tani]

4. (D.R. 20/2015) Rang Undang-undang Institusi Kewangan Pembangunan (Pindaan) 2015 “

[Menteri Kewangan]

5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

7. (D.R. 24/2014) Rang Undang-undang Dadah Berbahaya (Pindaan) (No.2) 2014 “

[Menteri Kesihatan]

8. PR-1332-U67740
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

9. PR-1332-U67741

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.

Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

10. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

11. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

13. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

14. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

15. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

16. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah."

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

17. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

18. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

19. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

20. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

21. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 27.5.2015 (Rabu)	1. YB. Datuk Madius Tangau (Tuaran)	1. Meminta Kerajaan mempertimbangkan Semula Harga Getah Standard Malaysian Rubber 20(SMR 20) yang ditetapkan untuk diberikan subsidi harga getah.	1. YB Menteri Perusahaan Perladangan dan Komoditi
2. 27.5.2015 (Rabu)	2. YB. Puan Teresa Kok Suh Sim (Seputeh)	2. Kementerian Wilayah Persekutuan Perlu Menjelaskan Apakah Perlunya Mendirikan Menara DBKL 2 yang Membazirkan Wang Rakyat.	2. YB Menteri Wilayah Persekutuan